



ახალი კორონავირუსით (SARS-CoV-2) გამოწვეულ ინფექციასთან (COVID-

19) დაკავშირებული ზოგადი რეკომენდაციები

სასტუმროს პერსონალისა და სტუმრებისთვის

ახალი კორონავირუსის გავრცელების პრევენციული ღონისძიებების მოქმედების ფარგლებში შესაძლებელია მხოლოდ იმ სასტუმროების გახსნა, რომლებიც მოქმედებენ ვირუსის გავრცელების წინააღმდეგ მიმართული ღონისძიებების დაცვით. საქმიანობის დაწყებამდე ყველა იმ ობიექტის მიერ, რომელსაც სურს საქმიანობის განახლება, განხორციელდეს სადეზინფექციო სამუშაოები სასტუმროს სრულ ტერიტორიაზე.

➤ სასტუმრომ სამუშაო სივრცეში უნდა განახორციელოს შემდეგი ღონისძიებები:

- სასტუმრო აღიჭურვოს პორტატული ჰეპა ფილტრებით - (დასაზუსტებელია თუ რა ფართის სივრცეში იქნება სავალდებულო ამ ტიპის მოწყობილობის საჭიროება);
- განთავსდეს ყველასათვის თვალსაჩინო ადგილას ორგანიზაციის მიერ გასატარებელი პრევენციული ღონისძიებების გეგმა;
- განთავსდეს თვალსაჩინო ადგილას სადეზინფექციო სამუშაოების ჩატარების პერიოდულობის შესახებ ინფორმაცია და მათი გამოყენების წესები;
- განთავსდეს ჰიგიენური საშუალებებით დაცვის ღონისძიებების შესახებ სრულყოფილი ინფორმაცია სათანადო ადგილას (მათ შორის ხელის დაბანის, ნიღბის, ბახილების და ხელთათმანის მორგების, ტარების და მოცილების წესების შესახებ);
- მოხდეს სასტუმროს ტერიტორიაზე ზედაპირების მუდმივი დასუფთავება/დეზინფექცია სათანადო წესით, (ყოველ 3 საათში ერთელ). ასევე განხორციელდეს ყველა იმ ზედაპირის დამუშავება რომელთანაც შეხება უწევს სასტუმროს ვიზიტორებს ან სხვა სასტუმროს სივრცეში მყოფ პირებს (მათ შორის კარის და ფანჯრის სახელურები, კიბის მოაჯირები, ლიფტის ღილაკები და სხვა ხშირად შეხებადი ზედაპირები);
- დაიცავით დისტანცია (მინ. 2 მეტრი) სასტუმროს საერთო მოხმარების სივრცეებში;
- ობიექტზე უზრუნველყოფილ იყოს სასტუმროს ტერიტორიაზე მყოფი ნებისმიერი პირის მიერ გამოყენებული ერთჯერადი ხელსახოცებისა თუ სხვა ჰიგიენური ნარჩენებისთვის დახურული კონტეინერების განთავსება, რომელშიც ჩაფენილი იქნება ერთჯერადი პლასტიკური პაკეტი;
- მოხდეს დღეში რამდენჯერმე სასტუმროს სივრცეში არსებული დახურული სივრცეების/სათავსების ბუნებრივი ვენტილაცია და ადამიანთა კონცენტრაციის ადგილების სველი წესით დასუფთავება;

➤ ღონისძიებები ვიზიტორთა მიმართ:

- განახორციელეთ ვიზიტორთა მუდმივი ტემპერატურული კონტროლი მუდმივად, სასტუმროს ტერიტორიაზე შესვლის წინ;
- სასტუმროს შესასვლელში განათავსეთ დეზობარიერი;
- არ დაუშვათ ვიზიტორები ინდივიდუალური დაცვის საშუალებების გარეშე სასტუმროს ტერიტორიაზე, იმ შემთხვევაში თუ ვიზიტორს არ აქვს თავად ინდივიდუალური დაცვის საშუალებების გარეშე თქვენ უზრუნველყავით იგი;
- მიაწოდეთ ინფორმაცია ვიზიტორებს ნაღდი ფულის გამოყენების საფრთხეების შესახებ;
- გააკონტროლეთ დასაქმებულთა ჯანმრთელობის მდგომარეობა სამუშაოს დაწყებამდე;

➤ **ღონისძიებები დასაქმებულთა მიმართ:**

- განახორციელეთ დასაქმებულების მუდმივი (ყოველდღიურად) თერმოსკრინინგი;
- თანამშრომლები უზრუნველყავით სათანადო კოლექტიური დაცვის საშუალებებით:
 - დეზობარიერი - შესასვლელში, მოსასვენებელი/საკვები ფართის წინ;
 - დამცავი გამჭვირვალე ბარიერები - თანამშრომლების მესამე პირებთან ურთიერთობის შემთხვევაში (მიმღებში);
- თანამშრომლები აღჭურვეთ სათანადო ინდივიდუალური დაცვის საშუალებებით:
 - პირბადე;
 - ხელთათმანი;
 - ბახილები;
 - საჭიროების შემთხვევაში - სახის დამცავი ფარი;
 - სპეციფიკური სამუშაოს შემთხვევაში - სპეც. ტანსაცმელი.
- თანამშრომელთა ხელმისაწვდომ, თვალსაჩინო ადგილას განთავსდეს ჰიგიენური საშუალებებით დაცვის ღონისძიებების შესახებ სრულყოფილი ინფორმაცია მათ შორის - ხელის დაბანის, ნიღბის, ბახილების და ხელთათმანის მორგების, ტარების და მოცილების წესები;
- დასაქმებულებს მიეწოდოთ ინფორმაცია ვირუსთან დაკავშირებული ყველა საკითხისა და პრევენციული ღონისძიებების შესახებ (შესაძლებელია აუდიო ვიდეო სისტემის მეშვეობით);
- სამუშაო სივრცეში მუდმივად ხდებოდეს ისეთი ზედაპირების დეზინფიცირება, რომელთანაც უწყევს შეხება დასაქმებულს;
- ნარჩენების პარკის ამოღება და განკარგვა მოხდეს ერთჯერადი ხელთათმანების გამოყენებით. სასტუმრო ვალდებულია მოახდინოს ჰიგიენური ნარჩენების დროული გატანა შესაბამისი პირის/სამსახურის მიერ;
- მოხდეს მუშაობის მიმდინარეობისას, სამუშაო დროის განმავლობაში დასაქმებულთა სანიტარული შესვენებებით უზრუნველყოფა;
- განთავსდეს დასაქმებულთათვის თვალსაჩინო ადგილას ხელის ჰიგიენური საშუალებები და მათი სწორად მოხმარების წესები.;

- პერსონალს, რომელიც პასუხისმგებელია სასტუმროს დასუფთავებაზე მიეწოდოთ დამატებითი ინფორმაცია დასუფთავების უსაფრთხო ღონისძიებების შესახებ, ჰიგიენური საშუალებების გამოყენებისა და ინდივიდუალური დაცვის საშუალებების მოხმარების წესების შესახებ.

➤ **დასაქმებულთა ვალდებულებები:**

- ხელის ჰიგიენის რეგულარულად და საფუძვლიანად შესრულება წარმოადგენს უმეტესი ვირუსისგან თავის დაცვის საუკეთესო საშუალებას;
- დაიცავით ჰიგიენის წესები თქვენს სამუშაო ადგილზე;
- დაასუფთავეთ სადეზინფექციო საშუალებებით სამუშაო ზედაპირები, თუ ხელსაწყოები;
- საკვების მიღებამდე და მიღების შემდეგ, საპირფარეშოში შესვლის და გამოსვლის შემდეგ საფუძვლიანად დაიბანეთ ხელები წყლითა და საპნით და კარგად გაიმშრალეთ ;
- მოერიდეთ სხვებთან კონტაქტს (შეხებას, ჩახუტებას და სხვა) და დაიცავით უსაფრთხო დისტანცია (არანაკლებ 2 მ-სა);
- დახველების და დაცემინების დროს მიიფარეთ სუფთა ხელსახოცი ან იდაყვი.
- გამოყენებული ერთჯერადი ხელსახოცი მოათავსეთ ურნაში;
- გამოიყენეთ სპირტის შემცველი ხელის საწმენდი საშუალებები იმ შემთხვევაში, თუ ვერ ახერხებთ ხელების დაბანას და გაშრობას;
- მუშაობის პერიოდში მჭიდროდ დაიმაგრეთ თმა, რათა მაქსიმალურად შეიზღუდოს თმისა და სახის შეხება, ასევე მოერიდეთ ხელებით თვალებზე, ცხვირზე და პირზე შეხებას.

საინფორმაციოდ: გამოსაყენებელი კოლექტიური და ინდივიდუალური დაცვის საშუალებები

ვინაიდან სასტუმროში ვიზიტორებს პირველადი კონტაქტი აქვთ დაცვის თანამშრომლებთან და რეგისტრატორებთან, რეკომენდირებულია თითოეული მათგანი ალიჭურვოს ქირურგიული ნიღბითა და ხელთათმანით, ასევე რეგისტრატორის მაგიდასთან დამატებით დამონტაჟდეს დროებით გამჭვირვალე ტიპის ბარიერი, რათა მაქსიმალურად იქნას აცილებული წვეთოვანი გზით ინფიცირების რისკი.

დასუფთავებაზე პასუხისმგებელმა პერსონალმა თავი უნდა აარიდოს მჭიდრო კონტაქტს სტუმრებთან. მათ უნდა ეკეთოთ ხელთათმანები დალაგების დროს და ხელთათმანების გაკეთებამდე და მოხსნის შემდეგ გამოიყენონ სპირტის შემცველი ხელის სადეზინფექციო საშუალება. უსაფრთხოების

დამატებითი ზომის სახით, დასუფთავებაზე პასუხისმგებელმა პერსონალმა შეიძლება ატაროს სპეციალური ნიღაბი ოთახის დალაგების დროს. ოთახში შესვლამდე, დასუფთავების თანამშრომელმა უნდა ჰკითხოვს სტუმარს, თუ როგორ გრძნობს თავს და სთხოვოს, მას გაიკეთოს ნიღაბი.



თვითიზოლაციაში მყოფი სტუმრები

თუ სტუმრებს ესაჭიროებათ თვითიზოლირება, მნიშვნელოვანია პერსონალმა მიიღოს სათანადო უსაფრთხოების ზომები.

პერსონალისთვის რისკი იქნება დაბალი, თუ ისინი კარგად დაიბანენ ხელებს და იხელმძღვანელებს შესაბამისი რეკომენდაციებით.

პერსონალი უნდა მოერიდოს აღნიშნულ სტუმრებთან მჭიდრო კონტაქტს.

როდესაც სასტუმროს პერსონალს მოუწევს თვითიზოლაციაში მყოფ პირთან კონტაქტი (მაგ.: საკვების მიწოდება), მნიშვნელოვანია დაცული იქნეს სათანადო დისტანცია და გამოიყენოს სპეციალური დამცავი აღჭურვილობა. თუმცა მკაცრადაა რეკომენდირებული, რომ თვითიზოლაციაში მყოფმა სტუმრებმა საკვები მიიღონ ოთახის კართან.

დამატებითი ინფორმაციისთვის დაგვიკავშირდით:

 15 05

 116 001